

Broj: 114/01/26  
Vogošća, 29.01.2026. godine

Na osnovu člana 39. Pravila JU „Kulturno-sportski centar“ Vogošća broj: 1672/10/23 od 17.10.2023. godine, člana 12. Pravilnika o korištenju sportskih resursa Sprotske dvorane „Amel Bečković“ broj 572/12/25 od 15.12.2025. godine i Zaključka Komisije za provođenje javnog poziva za sufinansiranje i finansiranje trenažnog/takmičarskog procesa u sportskim resursima dvorane „Amel Bečković“ broj 113/01/26 od 28.01.2026. godine raspisuje se

## **DOPUNA JAVNOG POZIVA**

**za sufinansiranje i finansiranje trenažnog/takmičarskog procesa u sportskim resursima dvorane „Amel Bečković“**

### **I UVODNE NAPOMENE**

JU KSC Vogošća, u vezi sa Javnim pozivom za sufinansiranje i finansiranje trenažnog/takmičarskog procesa u sportskim resursima dvorane „Amel Bečković“, objavljenim dana 06.01.2026. godine (u daljem tekstu: Prvi javni poziv), objavljuje ovaj Javni poziv – dopunu, sa ciljem:

- omogućavanja prijave sportskim klubovima koji nisu podnijeli prijavu po Prvom javnom pozivu,
- prikupljanja obrazaca saglasnosti za obradu ličnih podataka, u skladu sa važećim propisima, od svih sportskih klubova korisnika sportskih resursa JU KSC Vogošća.

Ovaj Javni poziv predstavlja nastavak i dopunu Prvog javnog poziva i ne mijenja ostale njegove odredbe.

### **II PRAVO UČEŠĆA**

Pravo podnošenja prijave po ovom Javnom pozivu imaju:

(1) Sportski klubovi koji se nisu prijavili po Prvom javnom pozivu, a ispunjavaju uslove propisane Prvim javnim pozivom.

(2) Svi sportski klubovi, bez obzira da li su podnijeli prijavu po Prvom javnom pozivu, dužni su dostaviti popunjen i potpisan obrazac saglasnosti za obradu ličnih podataka.

### **III USLOVI I KRITERIJI**

Uslovi za apliciranje, kriteriji za evaluaciju prijave, način bodovanja, prava i obaveze korisnika, kao i ostale relevantne odredbe, u cijelosti se primjenjuju kako su definisani Prvim javnim pozivom, te se isti ne ponavljaju u ovom Javnom pozivu.

### **IV OBAVEZNA DOKUMENTACIJA**

(1) Sportski klubovi koji se nisu prijavili po Prvom javnom pozivu dužni su dostaviti kompletnu dokumentaciju propisanu Prvim javnim pozivom.

(2) Svi sportski klubovi, uključujući i one koji su već podnijeli prijavu po Prvom javnom pozivu, obavezni su dostaviti:

- Popunjen, potpisan i ovjeren Obrazac saglasnosti za obradu ličnih podataka koji propisuje JU KSC Vogošća i koji čini sastavni dio ovog Javnog poziva.

Napomena: Nedostavljanje obrasca saglasnosti za obradu ličnih podataka smatrat će se nepotpunom dokumentacijom.

### **V PODNOŠENJE PRIJAVA I DOSTAVA SAGLASNOSTI**

Prijave sportskih klubova koji se nisu prijavili po Prvom javnom pozivu, kao i obrasci saglasnosti za obradu ličnih podataka, dostavljaju se u skladu sa načinom i procedurom definisanom Prvim javnim pozivom, lično ili putem pošte na adresu JU KSC Vogošća.

Rok za dostavljanje prijave i obrazaca saglasnosti je 10.02.2026. godine do 16:00 sati.

## **VI ZAVRŠNE NAPOMENE**

- (1) Ovaj Javni poziv – dopuna sastavni je dio Prvog javnog poziva i treba se tumačiti zajedno sa njim.
- (2) Sportskim klubovima koji se ne prijave ni po ovom Javnom pozivu, odnosno koji ne dostave traženu saglasnost za obradu ličnih podataka, može biti onemogućen ili obustavljen trenažni/takmičarski proces u sportskoj dvorani „Amel Bečković“, u skladu sa važećim aktima JU KSC Vogošća.

## **VII NAČIN OBJAVE**

Ovaj Javni poziv objavit će se na oglasnim pločama JU KSC Vogošća i na službenoj internet stranici JU KSC Vogošća ([www.kscvogosca.com](http://www.kscvogosca.com)).

**DIREKTORICA JU KSC VOGOŠĆA**

---

**Alisa Konaković**

## SAGLASNOST ZA OBRADU LIČNIH PODATAKA

u postupku prijave na

**Javni poziv za sufinansiranje i finansiranje trenažnog/takmičarskog procesa u sportskim resursima JU „Kulturno-sportski centar“ Vogošća**

---

### 1. Podaci o davaocu saglasnosti

Naziv sportskog kluba/organizacije:

---

Sjedište:

---

Ime i prezime odgovornog lica:

---

Funkcija:

---

### 2. Izjava o saglasnosti

Ja, dole potpisani/a, kao odgovorno lice sportskog kluba/organizacije, ovim putem dajem **izričitu, dobrovoljnu i informisanu saglasnost** da JU „Kulturno-sportski centar“ Vogošća, kao **kontrolor ličnih podataka**, može obrađivati lične podatke fizičkih lica koji su sadržani u dokumentaciji dostavljenoj u okviru navedenog Javnog poziva.

---

### 3. Kategorije ličnih podataka koji se obrađuju

Saglasnost se odnosi na obradu sljedećih kategorija ličnih podataka, u mjeri u kojoj su isti sadržani u dostavljenoj dokumentaciji:

- identifikacioni podaci (ime i prezime, funkcija),
- kontakt podaci,
- podaci o sportskom angažmanu, zvanjima i kvalifikacijama,
- podaci o trenerima, sportistima i drugim licima uključenim u realizaciju programa,
- drugi podaci neophodni za provođenje Javnog poziva.

---

### 4. Svrha obrade

Lični podaci se obrađuju isključivo u svrhu:

- provođenja Javnog poziva,
  - ocjene, bodovanja i donošenja odluka o sufinansiranju/finansiranju,
  - zaključivanja i realizacije ugovora,
  - izvršavanja zakonskih i finansijskih obaveza,
  - vođenja evidencija propisanih zakonom.
-

## 5. Rok čuvanja podataka

Lični podaci će se čuvati u skladu sa važećim propisima, odnosno:

- za vrijeme trajanja postupka po Javnom pozivu,
  - te nakon toga u rokovima propisanim zakonima o finansijskom poslovanju, arhivskoj i registraturnoj građi.
- 

## 6. Prava nosilaca podataka

Upoznat/a sam da nosioci podataka imaju pravo na:

- pristup ličnim podacima,
- ispravku netačnih podataka,
- ograničenje obrade,
- prigovor na obradu,
- povlačenje saglasnosti u dijelu u kojem je saglasnost pravni osnov obrade,

u skladu sa Zakonom o zaštiti ličnih podataka BiH.

Povlačenje saglasnosti ne utiče na zakonitost obrade koja je izvršena prije njenog povlačenja.

---

## 7. Izjava o zakonitosti dostavljenih podataka

Potvrđujem da su lični podaci koje dostavlja sportski klub/organizacija:

- pribavljeni zakonito,
  - dostavljeni uz znanje i u skladu sa važećim propisima,
  - relevantni i ograničeni na svrhu prijave na Javni poziv.
- 

## 8. Završna izjava

Ovu saglasnost dajem slobodno, bez prinude, te potvrđujem da sam upoznat/a sa načinom i svrhom obrade ličnih podataka.

---

Mjesto i datum:

---

Ime i prezime odgovornog lica:

---

Potpis i pečat:

---